

Julie James AS/MS
Y Gweinidog Newid Hinsawdd
Minister for Climate Change



Mick Antoniw AS/MS
Y Cwnsler Cyffredinol a Gweinidog y Cyfansoddiad
Counsel General and Minister for the Constitution

Llywodraeth Cymru
Welsh Government

Ein cyf/Our ref MA-JJ-4062-21

Huw Irranca-Davies MS
Chair, Legislation, Justice and Constitution (LJC) Committee

02 Rhagfyr 2021

Annwyl Gadeirydd y Pwyllgor

Diolch am eich llythyr dyddiedig 8 Tachwedd yn amlinellu cwestiynau'r Pwyllgor o'r ddadl ar y Cynnig Cydsyniad Deddfwriaethol sy'n ymwneud â darpariaethau ym Mil Amgylchedd y DU. Rydym yn ysgrifennu i roi mwy o fanylion am y materion a amlygwyd.

Yn gyntaf, hoffem egluro'r sylwadau ynghylch y Bil plastigau untro (SUP), yng nghyd-destun Deddf Marchnad Fewnol y Deyrnas Unedig 2020 (UKIMA). Fel y gwyddoch, cyflwynwyd UKIMA yn dilyn ein hymgyngoriad yn cynnig gwaharddiad ar nifer o eitemau SUP sy'n cael eu taflu'n aml. Er bod yr Egwyddor Cydnabod Cydfuddiannol yn Rhan 1 o UKIMA wedi creu cymhlethdod yn y maes hwn, ein barn gyffredin yw na all UKIMA gwtogi ar gymhwysedd deddfwriaethol y Senedd yn y ffordd y mae'n honni. Mae hyn yn gyson â'r wybodaeth a gyflwynwyd fel rhan o'n her gyfreithiol barhaus ar y mater hwn. Mae'r dystiolaeth a roddwyd i'r Pwyllgor gan y Cwnsler Cyffredinol ym mis Medi a'i lythyr ym mis Hydref yn tynnu sylw at y pwynt hwn. Ar y cyfan, nid ydym yn credu bod UKIMA yn gweithredu er mwyn atal y Senedd rhag deddfu ar faterion datganoledig mewn ffordd sy'n anghyson â'r egwyddor cydnabod cydfuddiannol yn UKIMA. Felly, yng nghyd-destun SUP, nid ydym yn credu bod UKIMA yn gweithredu er mwyn atal y Senedd rhag deddfu i wahardd gwerthu eitemau SUP yng Nghymru mewn ffordd sy'n anghyson â'r egwyddor cydnabod cydfuddiannol yn UKIMA.

Am y rhesymau hyn, nid ydym yn disgwyl unrhyw effaith ar y Rhaglen Ddeddfwriaethol sy'n deillio o UKIMA.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Julie.James@llyw.cymru
Correspondence.Julie.James@gov.Wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Fel a amlygwyd yn yr ymgynghoriad Lleihau Plastig Untro, mae Llywodraeth Cymru yn bwriadu gwireddu ein huchelgais ar blastigau untro sy'n cael eu taflu'n aml fesul cam. Rydym yn cymryd pob cam posibl i gyflwyno deddfwriaeth ar gyfer y cam un y gwaharddiadau arfaethedig, cyn gynted â phosibl, o fewn tymor y Senedd hon. Yn y cyfamser, mae swyddogion eisoes wedi dechrau gweithio'n paratoi ar gyfer cyfnodau'r gwaith yn y dyfodol, gan gynnwys adolygu tystiolaeth ar gyfer y 60+ o eitemau ychwanegol a nodwyd yn yr ymgynghoriad fel eitemau ar gyfer gweithredu posibl yn y dyfodol. Yn y Rhaglen Lywodraethu, rydym yn gosod safonau uchel i ni'n hunain ac mae Bil yn un o'r opsiynau yr ydym yn eu harchwilio i gyflawni uchelgais ehangach i fynd i'r afael â'r math hwn o lygredd amgylcheddol.

Diolchwn i'r Pwyllgor am eu hamynedd yn y materion hyn a gofynnwn iddynt nodi bod Bil y DU bellach wedi cael Cydsyniad Brenhinol.

Yn gywir



Julie James MS
Y Gweinidog Newid Hinsawdd
Minister for Climate Change



Mick Antoniw MS
Y Cwnsler Cyffredinol a Gweinidog y
Cyfansoddiad
Counsel General and Minister for the
Constitution